

Hylli i Dritës

Ubi Spiritus Domini, ibi libertas.

(II. ad Cor. III. 17).

-
- | | |
|--|---------|
| 1. Lmashku i hyperkulturës në Shqypni | Fq. 457 |
| 2. T' a vëmë gurin e themelit... | „ 469 |
| 3. Ifigenija n' Aullit | „ 482 |
| 4. Nji dorshkrim i vjetës 1671 mbi Shqypni | „ 492 |
| 5. Nji ekskursjon botanik deri në Shirokë | „ 499 |
| 6. Nder lamije të ditunis | „ 506 |

SHKODER

Shtypshkroja Françeskane

1930.

Lmashku i hyperkulturës në Shqypni.

Të huejët per né e na per vedi bindena, se si në pak kohë kemi mrríjtë, jo vetun me pá e me njoftë nevojen e gjytetnimit; por edhe me gjetë mndyren, se si me e fitue, e me zgjedhë mjetet, qi i pershtaten mâ fort gjendjes së ligshhtë të shqyptarit.

Ky hap kaq i guxueshem do të na epte shkas të gjithve m' u krenue, mos t' ishte në setcillin ideja zotnuese, qi do me dalë në pah e s' lën të shtrohet aq letas prej tjerve. Kjo âsht ideja, qi, pshtetë n' arsye, ep të drejtë me jau bâ kritiken tjerve e me pvetë e me kerkue n' êmen të dijes pshin e sescilles veper, qi âsht në të perpjekun me të mirë të perbashktë.

Shqyptari në punë të kulturës ká sýnin e madh. Etshem per sá qindvjeta me thithë njoftimet e dijes së njimendhtë, tuj e pá vedin teper mas tjerësh, do në pak kohë me perftue në vend të vet shka kje perftue nder shtete të mdhá mrenda qinda e qinda vjetsh e m' u bâ baras me ta, pá shikjue zhvillimin e mentalitetit të popujve e të brêznive, pá peshue rasat e shkaqet psikologike të ndrrimeve të ndryshme, pá çmue randsín, qi kan doket e nji populli; por «kashata e madhe të xên fyтин», thotë nji fjalë e moçme, e, per mos me na kjá pûna në dorë, do «matë hapi sá të jét vrapí».

Ky entuzjazem, aq i nevojshem per nji popull, qi nisë me i çilë sýt kahë kultura, kishte me i ndrrue ftyrë vendit; po t' ishin pûntorët nierz pernjimend të zott, qi me auktori-

